

काँधे कावड़ ठाली भोले

काँधे कावड़ ठाली भोले,
मन में धर लिया ध्यान तेरा,
मेरी मंज़िल ने पार लगाईये,
मानूंगा अहसान तेरा,
जय भोले नाथ, जय भोले नाथ....

घणे दिना तै सोचू था मैं हरिद्वार मैं आवण ने,
मन मेरा भी तड़पे था गंगा मैं गोते लावण ने,
भोला भाला जमीदार सू हरयाणे मैं गाम मेरा,
मेरी मंज़िल ने पार लगाईये मानूंगा अहसान तेरा,
जय भोले नाथ, जय भोले नाथ.....

माहरे गाम के मन्दिर मैं हो बाबा तने नुहाउंगा,
घिस घिस चंदन भरू कटोरी माथे तिलक लगाऊंगा,
धुप दीप तै करु आरती फेर गाऊ गुणगान तेरा,
मेरी मंज़िल ने पार लगाईये मानूंगा अहसान तेरा,
जय भोले नाथ, जय भोले नाथ.....

लाडू पेड़े खावे कौना आक धतूरा ल्याउंगा,
काची काची भांग घोट के भर भर लौटे प्याऊगा,
तुहि मेरा मात पिता है तुहि है भगवान मेरा,
मेरी मंज़िल ने पार लगाईये मानूंगा अहसान तेरा,
जय भोले नाथ, जय भोले नाथ.....

इतनी सूनके टैर जाट की परसन होंगे बम भोले,
हरियाणा के खेता मैं फिर बरसे चांदी के गोले,
तेरी जय हो ओघर दानी दिनेश करे गुणगान तेरा,
मेरी मंज़िल ने पार लगाईये मानूंगा अहसान तेरा,
जय भोले नाथ, जय भोले नाथ.....

<https://bhajanganga.com/bhajan/lyrics/id/19490/title/kandhe-kawad-thali-bhole>

अपने Android मोबाइल पर [BhajanGanga](#) App डाउनलोड करें और भजनों का आनंद ले |